

童山詩集

章山詩集卷二十四

綿州李調元雨村

一癸卯

元旦寄岳梅巢二首時岳方赴直隸總制袁公墓
寥寥知己定何人來往唯君誼最親
兒輩每叨分藥活
孫郎時共數杯巡詞孫馬駒橋上封書夜
鴻雪堂前壽
燭辰轉瞬此身成
桎梏普天誰救不羈身

年將盡夜望君來懷抱唯君得
暫開四世五公原故吏
一言九鼎藉長才
沉寃似海誰能白
薄宦如水念已灰
只有清操天可表
天恩倘許乞骸回

二月初一日蒙 恩發伊犁當差是日出獄再用

東坡韻寄墨莊二首

天意回春恰仲春眼前贏得再生身來爲縲紲之中客
去作伊犁以外人錢縱有靈慚使鬼卦非無據願求神
何須五十知天命總是前因與後因

纔離獄底夜淒淒劍氣朝來便不低尚覺騰精如老驥
原非斷尾學雄鷄書藏萬卷留愚子田租三廩託老妻
他日白雲何處憶相望應在大荒西

和遵化州牧靳菴溪榮齋見贈元韻四首

兩年鞅掌潞河東譙笑時因退自公如飲醇醪三語後

似投膠漆一杯中校讐手鑑行行細新鐫龍龜手鑑錄

史諸詩句句工君有諫史詩百首若問循良誰第一風流仍應

讓文雄

亦知聚散易西東不以三公易此公求福恥尋木居士

同心早贈石虛中予有米坑硯相贈應嘆李廣無侯骨始信王

良是賤工此後雲龍空悵望難分定若劍雌雄

橡栗生涯在灤東出來喜怒似狙公漫言勤學通今古

深愧爲人在下中氣自錯磨顏遂俯詩從摧折格愈工

平生頗笑子雲老投閣空慚一世雄君詩有侯芭問字附楊雄之句

草堂結傍錦城東歸去花溪近杜公閒看山坳雲起處

相思水閣雨聲中吹簫未敢因知濫製錦還期細費工
爲問世間蠻觸事幾人贏得百夫雄

五十歲和祝芷塘

德麟

見祝原韻四首

一年三百六十日少出門庭多在室非貪閉戶學著書
畏人嫌我峻峭骨風波聊幸脫龍潭生計尚輸營鬼窟
已拚歸去著青鞵非爲方來望朱綬卽看五十又飛騰
入生百歲安可必且喜身閒步履健枕櫛壽杖來自粵
兒孫遶膝弟兄歡座上觥籌互相罰自教歌舞自爲壽
戲謔都使畧儀節君獨寄我錦繡句頗令光采驚一瞥
強於去年客滿堂貢諛徒使金繒竭况有漁陽好姻婭

百里趨來贄梨栗曰歸曰歸定何時懷有家書字未滅
豈知尚滯通潞河老與今朝展齒折明年此日定何處
膝背柴門自捫蝨

平生性烈如夏日有樹絕不言溫室但知頓首口若翁
坐此令人嗟入骨手足皆非應世具坦途着我皆坑窟
只有一心思致身不懼三褫奪綬綬向持此論百不移
今知巧宦始悟必儻使繞指化爲柔何有鋒鏑損吳粵
名者造物之所忌文章豈果遭天罰細忖萬事不如人
未知減福是何節邇來靜悟循環理前因後因總一瞥
得失鷄蟲了何時爭持蚌鷸力空竭風波已過淡若無

成事不說周栗愁來心火鎮相煎惟應釋氏談寂滅
每聽然灰輒搖頭羞爲斗米再腰折感君同心言多中
出語直如矢貫蝨

學堂憶昔蒙童日自愧升堂未入室豈惟鄉塾少異書
欲買無錢貧入骨一自姚江得指授擬探天根躡月窟
又從瀛洲登籍廻汎覽得自諸同紱已於中秘雇胥騰
聞有奇文借抄必更於海外得遐觀二酉移載自南粵
譬如酷好聚寶人豈懼冥搜遭神罰迄今家藏億萬卷
聚來半出清俸節豈能插架盡鑽研時資引睡寓日管
蜀本由來世所傳雕鐫近已囊空竭君何嗜好同酸醎

得毋下酒當棗栗我老將至多遺忘才減亦恐名俱滅
行與目不識丁同馱負空教馬背折山來此腹負將軍
不武不文久已蝨

鬱鬱居通日復日交徧謫我不但室負債如山屢出門

老馬奔波只餘骨今年三月至桑乾波濤直渡龍羅窟

沿河使者我姻婭

謂陳韞山

知我筮易困赤紱脫贈粗將官

事完思鄉至此歸始必辦裝未備倩何人宦囊已羞空

說粵每遇憂來輒高歌常從愁裏過佳節昨朝忽見園

中花枝上漸稀不堪瞥樓遲韶光又二年老矣不能力

再竭有子雖愚尚繫懷無知一飽覩梨栗歸來且學淳

于髡送客堂前任燭滅兒曹起舞踏破甕老夫欠伸腰
未折丁寧家事勿關白我非蟲父子豈蟲

附原作 洪雨村同年歸蜀

編修 祝德麟 芷塘

憶昔西遊岷蜀日停鞭逕造楊雄宅門前萬頃罷亞
風星後千巖蒼翠骨竊疑忘世如是境自念歸田無
此窟著書未倦厭閑冷粉署重來結纓紱駕浪文章
自信傳在天富貴誰能必便邀列戟治三輔先遣持
衡遍百粵正舒雲鬲看扶搏忽蹶霜蹄遭譴罰才高
氣盛事勇敢往往不知矜小節六年光景夢初醒兩

世功名燈一瞥

尊甫石亭先生
亦曾官畿輔

國恩未報坐濡滯

家計雖贏幾罄竭。來舊治假館舍。未要故山尋棗栗。自知遺愛在甘棠。歌管不教豪氣滅。潞河水冰霜。雪積吾欲從之車。輟折願君萬事後。莫店笑我一官。今尚強。

人生出處交關日。往往道旁謀築室。熱中何殊蟻慕。糴搖尾不惜狗爭骨。無官求官有戀官。如魚覓水獸。走窟縱教偃卧在山林。那忍忘情到簪紱。君之去官。世所諒咎在勇敢。事取必。倘今有志入仕途。未必北轅求適粵。明廷賞璞每棄瑕。况已贖金完貨罰。君言顯晦各有命。利器安用試錯節。少年願力甚宏大。

建豎未成光景瞥但期長作苦李拋不願先爲甘井
竭難江瓦鼓趁社墟錦里角巾收芋栗 恩重寧無
戀關心撥爐已見寒灰滅我聞其言何綽綽不覺骨
驚心更折勸君去去勿復疑莫向禪中伴蟻蝨
怪君薄領紛繁日那暇探書周藏室性耽嗜癖購蓄
勞未惜半千買駿骨插架真驚面百城借紙翻似營
三窟因君昔曾官翰林結交東觀諸朝級正逢在文
編四庫是書副墨求之必由來有好則有聚鄭刀宋
斤劍吳粵網維一一入品題振孫公武甘過罰虞初
小說九百篇羣玉遺經三禮節但是世間未見書

之剗剗成功管金銷行見囊橐空紙貴不愁巾衍竭
新都狀元金齒戍蜀士奉若祁主栗表章補刻冊餘
種附以著述同不滅集排二十日函海策蹇馭來驢
背折望洋自笑井拘蹇射鼓懸知輪廓蝨

暮春三月修禊日潞河一舸攜家室潛身澤豹偶露
斑曳尾神龜肯留骨自從米老書畫冊重尋綿州雲
水窟懸巖撒手大千界破甌莫顧舊紳紱眼前富貴
何足論此後身家乃可必到家父老來慰問曝背茆
簷話燕粵槃阿路窈歌獨寐社酒杯濃醉百罰田園
豐美太平人松竹之間樂晚節獨憐我輩針芥交甘

年彈指風光瞥，詹詹小言每。荷賞欬欬愚，誠思必竭。
忽憶前冬君在菖，淚如縷。靡股戰栗，今朝得送盡室。
歸他日相思，月明滅。世間離合亦何有，春草同榮秋
草折。揮弦我自送冥鴻，弄筆君休嘲蚤蝨。

甲辰

喜臯塘成進士

我家一門四進士，得第年俱二十九。汝於三李白眉良
况復好學世，未有今年甲辰赴春闈。又屆其時亦非偶，
此藝滔滔翻水成。師定爲魁兄，定首君亦高枕待擢科。
言夢自西作至丑，自言劉蕡與米濟。人力每妨天掣肘，

凝哉好事兩阿兄隔宵襍被內城守周家宅子禮曹東
忽寒酪舖坐待久日高三丈榜未掛遣五弟探磚門右
須臾忽見報騎來傳呼直過江米口君方掩關醉未醒
忽驚剝啄聲如吼聞道題名四十六喜中尚嫌名畧後
兩兄歸宅爲開堂賀客盈門雜稚叟回思倘康孫山外
兩兄何以對賓友勉哉努力對大廷魁首當如拾芥
取中秘本是吾家物所缺龍頭至今醜無書不覽方爲
儒好學應教充二酉他年文章壽世誰三李當推君不
朽登泰山而小天下高堂二老聞信否吾知起舞踏
破甕就中喜煞第四婦

時香如叔婦方博四婦歸寧泰安

喜見培入翰林

題名我家事得自二人難是科甲辰會試四州額止二名竟遂登瀛志

當同及第觀兩蘇君可繼三李我無官際此遭逢盛和

聲振羽翰

上聞

南去漕河開灘如水堰稠索錢同權稅買米且維舟羊

帽全鋪市魚苗半上釣離家二十日一步一回頭河民取魚

皆用鈎有一繩而至四五百鈎者

七夕 在阿城作

閨門露坐聽風濤百感中宵起鬱陶畢竟一生為拙誤

老來始覺巧爲高

挽唐母孔太恭人詩

在開

歸道唐芝田侍陞署中

天上驚聞頃婺星趨來猶及讀旌銘
國恩早受兒官誥家世惟傳女孝經
本爲登堂思拜母誰知入室屈封靈
獨悲四海逋逃客先對孤燈哭濟寧

哭程魚門四首

忽得魚門訃長安撫署中天教擇地死

芝田諸余言魚門至河陝道王

觀祭

鑒署力疾往

秦欲以身託秋帆也人竟坐詩窮尚想髯如雪飄然髮

似蓬黃公零落盡洒淚向秋風

憶昨銜杯語離京四月天三春兩汴水四海一芝田

魚門

言前次出京非芝忍病猶爲客云歸未定年可憐老奔
千金錢不能歸
命總爲買山錢

聞爾秦關去全家留在京不知成永別猶囑早回程難
割孤兒幼堪悲寡婦聲平生詩萬卷誰爲理縱橫
余亦江湖客思爲浩蕩人與君同執手勸我早抽身杯
酒猶如昨衣冠已委塵從今歸志決策馬上我眠

中秋芝日以乘槎釣月圖囑余題余卽用王夢樓
先生辛丑五月題圖韻作四首留別

與君別徐州相思道阻過今我來大梁又覺清興發開
圖又見君恰屆中秋月人世苦參商撫景嗟華髮底事

乘槎人童頭齒未豁何時共泛杳相濡如魚沫一笑凌
滄波指點煙霞活

夢樓我之師詩歌雲可遇晚益造聲希淡語無妄發此
圖何年題辛丑夏五月函丈自睽違往事積如髮唯於
翰墨間時見使心豁自非同心魚誰解吐何沫寥寥短
幅中寫出天機活

張騫昔窮源一往勢難遏直到斗牛邊有如箭初發何
以探星宿不言釣明月乃知好奇人各欲窮毫髮浩蕩
從天遊總期壯懷豁看君馭風行槎擁成輪沫超忽波
濤中疑是龍身活

我家江發源奔流不可遏自別北山來久愧移文發君
何反思蜀欲看峨眉月毋乃以敬予老矣指我髮問君
五湖約此志何時豁人生聚散間電光同泡沫行當歸
林下看水源頭活

大名府南關和蝴蝶道人步余清化題壁原韻并序
八月二十日至大名城南旅店見壁間有詩云
歷歷覃懷道秋來暑漸輕暗香浮竹粉遠脉瀉
泉聲富貴原宜骨文章豈爲名十年遊宦志無
限故園情末題蝴蝶道人步李雨村觀察清化
鎮原韻奇哉此余辛卯年北上過河南時詩也

不知蝴蝶道人爲誰而追和於此余又適宿此
店見之且富貴原宜骨一聯似深知余生平者
不題姓名可惜也因和其韻

宦興老猶重此行身太輕馬蹄空有跡雁侶遠無聲傲
骨生難改留皮死爲名一聞蝴蝶語深負道人情

哭大名太守靳萊溪

榮藩

仍用前韻

並序

萊溪爲余舊屬遵化州牧擢大名守余於八月
廿日由汴梁至元城訪之甫底店聞萊溪已於
前一日卒未歛因撫尸大慟哭詩二首

豈愛老爲客言歸累未輕難逢開笑口何意值哀聲春

雨懷遵化秋風哭大名詩人寥落盡孤館若為情

一卷吳詩刻千金費不輕品題尊御製集覽避虛聲

某漢書箋吳梅村詩注題曰集覽避箋我作鳴騶客君

傳附驥名今朝重把讀不盡故人情

齊河和墨莊題壁韻并序

過齊河縣大清橋見店壁詩云小別纔經月重

來問渡船水添新過雨樹減舊時煙僻性詩居

首陶情酒在先依然猶故我落日悵前川歎蜀

松坪道人書松坪者予三弟檢討鼎元別號也

先子出京來濟南余前在豫有書相通言在泰

安將往江南不知成行否今見詩彷彿泥上鴻
爪後先相印因步其韻亦書於壁墨莊復過亦
使知余也

齊河秋水渡岸仄恰容船樹掛半鉤月橋橫一縣烟詩
慚王勃後鞭讓祖生先同作他鄉客何時返兩川

趵突泉

用趙松雪韻

深水津津無處無胡然突出小方壺魚翻茶跟湯疑沸
蚌湧珠胎片欲枯石可觸雲爲近岳潭如印月亦如潮
何須七十二泉遍只此泉令興不孤

大明湖

夏無名士見猶有大明湖人去亭雖古吾來船自孤萬
鴉盤獨柳百鷺聚深蘆忽動滄浪興漁歌起日晡

再遊泰山題泰安令何瑞菴人麟草書杜少陵望

嶽碑遂用其韻

必造泰山巔平生願始了齊州九點烟海日一輪曉風
生萬壑松雲上一聲鳥翩然凌空下俯視塵寰小

柳枝廟戲作柳枝詞二首

人間驚見柳枝柔一捻纖腰萬種愁最愛楊家好粧束
啼眉皓齒溜明眸

草草郵亭獨一卮不相思處也相思香山豈是無情老

已遣楊枝况柳枝

憶昔

和三弟墨莊蘇州寄懷原韻

憶昔壬寅冬君來我身傍爲我壽五十金剛祝慈癡時
有玉田案洶洶如翻江歌筵尚未徹別去如風飄夜宿
馬駒橋罷極始投床曉渡永定河庶只一葦杭修書却
寄君遠愧金玉堂觀察亦走吏翻思昔爲郎由來宦途
險對面陵與岡一朝挂吏議章黼失焜煌昨日馳道上
遐涉如龍驤今日繫籠中仰看衆鳥翔奴僕皆城旦隻
身竄異鄉臯大謹止此 聖恩非所望君時聞此信酒
泣翰墨場知我孽有作從中舌鼓簧手足無所措西向

悲河梁送我涿鹿城。躑躅執我轡爲言。曉易缺。總由性
過剛。欲效解官代格例。無人將余曰。君且歸報國。在
文章所傷。陟彼圯有母將不遑填荒。尤難別少小同難
窗諸子待君教。尚可傳芬芳。妻妾寄潞水。零落不成行。
長子遠在蜀。行當來保陽。一一皆託君。使我家口康。君
猶不忍去。底暮倚垂楊。最憐陳韞山。百里置別觴。又憐
岳梅巢鄉誼。切同坊同謀。解驂贖相顧。神內傷。乃知二
君子患難交益彰。惟時袁清恪廉德人所揚。再起制畿
輔。奪情寵非常。聞余將遠徙。面奏神不忙。天威爲之
霽。恩澤滅汪洋。四月始回通。如葵返魂香。此中奔走難

惟君在廟廊 天語復垂問再拜謝 恩光二年僑路
水來往日復長閒居何所爲論詩夜未央非爲戀棧豆
兩鬢幸未霜 君恩高且厚况復免投荒倘蒙再薰沐
還期呈丹腔願盡牛馬力此心終不忘九月往遼東猶
昧舍則藏紀貲力未能以此恩徜徉君時亦爲貧請假
先分張我方往津門既行復彷徨鬱鬱安能居憂來忽
無方遂買南來舟東我遊脚裝之魯復之豫八月至油
房地得君泰安書嘉慰始得詳星言卽命駕謂可叩衙
廂及我來岱岳不見君馬黃祗於齊河店見詩如許棠
聞君道中返多爲缺餼糧我歸君又去此遊母乃狂舉

世皆皮毛我已悔蓬邛胡爲君不悟四海奔茫茫昨日
接君書知君滯吳邦言鐫六書故效我癡膏盲又言學
陶朱暫寄姑蘇陸所得不酬勞恐益累踉蹌我今得請
諧夙志固已償明當攜脊回肆意游瀟湘置身風波外
庶免傾擠防安能踰前轍一仆復一僵昨宵夢見君春
草吟池塘倘能遭五湖罄吐平生腸不然偕君歸家有
南村庄顧君官清班豈識林下強安得倩飛鴻一爲細
譬商我今年半百甘苦已備嘗謬算再不遂塵土緇衣
裳仕宦亦何爲愆尤積難量不如賦歸去濯纓歌滄浪
曝背柴門下大笑談軒皇和詩聊代書相思雲蒼蒼

五十一歲和鳬塘四弟見祝元韻二首

兩載羈棲潞水隈
自憐無年少持杯
何期笑口逢君到
頻令愁眉自我開
天上蟠桃誰再種
月中丹桂悔遲栽
滿庭朱紫休輕視
親感皇恩降錫來

是日六兒朝誕爲余請語命至

敢謂曾爲兩弟師
克傳衣鉢在今茲
舊編李氏三昆集
新改童山一冊詩
林下擬歌藤丈坐
水邊閑覓釣竿持
壺中歲月田間富
笑弄兒孫一解頤

附原作

驥元鳬塘

好風隨我潞城隈
報喜還兼獻壽杯
依舊頭銜花
諾錫從新手簡
綺筵開海邊桃李
當年植砌下芝蘭

此日裁合與封翁拚一醉相看徵召日邊來
是吾兄也亦吾師伯氏風流合在茲報國文章昆與
弟傳家衣鉢禮兼詩運河兩載清風播粵嶺三年藻
鑑持有德自應兼有壽南山頻願祝期頤

除夕和芷塘見寄韻二首

從來仕宦比鮑竿荏苒投閑歲又闌顧影自慙霜髮白
駢頭難覓九華丹夜行衣錦誰能見暖氣侵帷我自安
漸看錦江春色動歸山準著鹿皮冠

之齊之衛定誰旁踪跡年年似賈商誰解同心贈紅藥
水蠶忿佩青棠潞亭竹葉難成醉驛路梅花好儼裝

守歲兒童渾不睡挑燈看我和詩忙

童山詩集卷二十五

綿州李調元雨村

乙巳

禽言

歸嬉惟歸可嬉恩及羽蟲吾應之樂奏大韶吾儀之太
平盛世不歸胡爲吾歸而竹實可以食吾歸而梧桐可
以棲其音若簫其翼若竿自歌自舞誰毀誰譽歸嬉惟
歸可嬉以下鳳凰言也

題扶少則提老則扶胡爲危不持顛不扶日酒醒以歡
而日笙簧以娛而元德不言呂布伏誅王導不言伯仁

何辜惡傷其類獨不聞乎提扶誰提誰扶

善哉善哉仁則吾來汝勿捕卵吾下爾增汝勿剝胎吾
集爾臺吾心激揚可以勸汝心吾言誠伸可以開爾懷
仁則吾來善哉善哉

賀世不賀天樞張不賀地財利賀外寧無內憂賀文事
有武備故吾將高翔大皇之野而樂太平之世賀世

都護胡不護爲翠旌我之毛爲車蓋我之羽可以爲裘
可以珥戶我護爾爾應我護如何然我不見而剪我之

光彩伺我濡泥而蔽吾之回顧嗟乎吾固知尾帶千錢
之爲害而腰纏十萬貫者公然白日劫人而驚鳥累百

曾莫之敢捕都護胡不護

孔雀言也

鳳凰不如我我比鳳凰似較可我有五彩之文章而命
不如人我有五行之靈氣而體常見羸我何罪而城旦
獨春彼何能而青紆紫拖哀哉哀哉上林枝上和聲以
鳴盛者誰乎而不得與此輩共集於青瑣鳳凰不如我
以下鵲鳴鳥言也

得過且過忍寒忍餓期敢何以帶索黔婁何以甘餓矜
可捉今何羨人之財貨金無炊今何妨吾之高卧不剛
不折不堅不破呼我爲牛呼我爲馬何妨對面而甘唾
天下受寒受餓之人豈獨一箇得過且過

架架格格母傷我額母謂爾勇母謂爾逆爾用矛兮吾
不盾爾用矢兮吾不革我無不讓爾爾今爾亦何須我獲
海濶天空鴻飛遼濶猶聞其聲架架格格鵲鳴言也

三月二十九日發通州

兩年輾轉走天涯今日方離潞水崖立馬偏橋灣上過
就中難別是荷花

道出固安永定陳韞山

豫

觀察留署中三日各指

兩子女爲婚臨別留詩二首

攜得全家返劍門連宵樂事喜難勝
雀羅漫網雲中鶴
驚輩安知天外鵬敢謂袁閤友黃憲
深慙徐晦送楊憑

勸君莫問然灰事已辦遊山一隻藤

少同肄業老同官臭味原來共膽肝百世朱陳互婚娶
兩家子弟盡芝蘭不須痛飲心先醉欲話分離鼻已酸
自古急流須勇退上灘容易下灘難

過彰德府太守盧介軒出餞留別

昔年曾到廬陵郡一片書聲遶吉州今日又過彰德府
十洲春色滿秦樓故人相見仍青眼太守風流欲白頭
聞道黃堂親課士韓陵可復有碑留

新鄉縣路生登瀛來送

又見門生候道旁舉頭知復過新鄉世間儘有能文客

言集卷二
三
偏認童山作瓣香

樹中杞梓石中琚論爾文章價不殊莫再墮吾雲霧裏
登峯曾否見天無

過西安臬臺王蘭泉先生親招飲署中留別四首
曾從棘署曳長裾又駐提刑陝右車把酒連宵風雨共
論詩兩鬢雪霜如帝褒郭賀三公服吏重劉宏一紙書
行李尚能供困乏前途無用徧吹噓

昔年入蜀勦蠻夷盡道參謀李藥師倚馬千言書露布
洗兵萬里返牙旗賜翎孔雀書生少圖像凌烟聖主知
翻憶一軍風鶴日可能憶到有今時

雖是從戎羽檄紛書聲靜乃輒微聞石礪路滑方吟雪

瓦寺梯高又踏雲聚米爲山工料敵糞沙壅水善行軍

至今譜作饒歌曲仍是當年奏捷文公有平定金川詩皆澤枯奏捷劄子

金石癖曾著此書原鄙性耽何曾搜索遍江南得君指出張

冠誤始覺平生杜撰慙公里人趙楮撰有金石存一書余刻入函海初失其名以前名

乃仍歸原名秦樹蜀山雪八百蠻叢鳥道月初三平

安盡在峴嶽內邊鴈回時再答函

金山驛館中遇少司馬胡豫齋高望同年奉命祭

江瀆回京見顧乃知前索詩稿

已作村夫子幾成貌大人爪牙祁父職喉舌秩宗臣覲

面先詢歲談心竟達晨最憐風甫夜南北各分輪

四月二十九日底家

得歸全感聖明恩贏得生還入劍門婦子團樂如夢寐
此身恐有未招魂

獨遊醒園

自從辛卯赴修門十五年來夢始醒今日歸家誰是客
鷗來隔浦鷺來汀

聞前羅江令楊古華

見解任後留川甚久近將

回滇作詩遙寄

衢有謠來巷有歌板轅無計奈君何人言草聖能驅鬼

我說詩顛竟入魔大抵人情憎古直莫嫌醉尉大譏呵
近聞消息猶難定不識何時返薜蘿

鑿池

天公久不雨花容相對愁我知枯渴甚攜鋤爲花謀大
觀臺下土潮潤如沙洲浸浸傍層巖似有龍爲湫面勢
先規定始取土一抔百簣至丈餘水涌爲渠溝滋滋一
窠泉微雨點作漚試以瓢飲之已似汲長流豈惟供沓
饗兼使萌芽抽歸來却問花花亦頻點頭

天然牀歌

并序

天然牀古栢根也昔先君應羅江令楊古華

周易

聘

請修奎星閣取材於東山有栢高二千
尺大四十圍霜皮溜雨不知爲何代物中梓人
選因伐之以其身爲棟而乘其根爲薪先君
惜之謂古華曰此可斲爲牀也遂欣然送之掘
及九仞乃得傭百夫攢之溯江昇至醴園除其
沙礫剝之剔之稍加修飾杈枒蟠結百竅環瓏
盡作龍鳳龜蛇之狀截而平其頂登之能容八
人可坐可眠有若生成故曰天然牀其廣丈餘
屋不能容故置於箭道以茆亭覆之率爲風雨
所拔然根堅於鐵故雖霜日亦不能剝蝕也因

易以瓦而移於臨江閣爲作歌以記之

綿州奎閣齊雲霞建者楊侯字古華當時伐木十選一
兩川斫盡仍三巴就中先子實首事古栢輪囷半封
記忽與楊侯登東山黛色參天互驚視細者爲楠大者
系乃惜其根乞作牀自從揮至醒園後夜夜玉衡星有
光斲成縱橫皆一丈龍鳳龜蛇形各像犬牙相錯虬文
蟠畧加修飾非由匠不須簣第不須茵磨洗瑩如楚簟
勻涼天若徙北窓卧清風定認羲皇人我聞牀以栢爲
貴素栢蹙栢皆稱異何況人乘我取之資費無多豈非
瑞所怪直局脚微分釘爭金鐵前朝聞莫教又夢玉堂

去夜中催撰牀婆文嗟余須髮雖未皓歸來宦興跡如
埽安得此牀化黃楊高枕吾廬睡無彘琉璃瑪瑙猶不
題別又萊杞與管黎惟此先人手澤在堪與青蓮七
寶齊不願跣跣不願坐但願醉來此間卧不妨露頂看
青天一任浮雲太虛過

無題四首

西番騷動又紛馳最是鄰邊婦早知已喜金川疆甫闕
誰教銀甕貢偏遲車輪轉處腸先結爍燭燒來淚早垂
聞去烏斯猶萬里幾時纔得定歸期

滿地黃沙東復東西洋盡處總霜風烟塵虎視雕鞍上

秋水龍吟劍匣中朱粉未勻先自拭金牀纔製倩人通
早知不得狼烽靖女子還當學小戎

不須哀我並頭蓮主將孤身亦在邊只有杜鵑堪拜託
並無鸚鵡解書傳墮簪地響知非兆孤燼天明悵獨眠
曉起問人旋報語將軍尚欲勒燕然

茶縻又向夏初殘蝴蝶雙飛尙作團天上牽牛相會易
水中比目再逢難街頭聽鏡言皆好盞底連環印不全
閑把薰籠衣自暖龍涎燒盡鴨爐寒

客有呼余爲大史公者作二詩答之

吉士何曾是史官世人俱作翰林看就教麟閣曾除授

重刊言集卷三十三
敢與龍門等量觀南越頭銜雖暫借東畿宦興已全闌
如今改換山人號呼我童山我自安

魯憶差回復 命時溫顏名對退朝遲爲因改部詢何
故翻爲穉官受特知 天子憐才褒骨氣相公聽懇入
膚詞可憐無限孤臣痛何日青天霧始披

移居醴園四首

出仕囊羞滿歸田食臂贅猢猻一朝散鴻雁半天高忽
憶先廬在無煩卜築勞溪邊有漁父候我入蓬蒿
不用移文至先回舊草堂友朋遊鹿豕山水奏笙簧深
柳同鶯坐高松看鶴翔沙鷗知我意江上弄斜陽

自是山居好其如識者難妻孥愁說隱父老愛談官但
使笙歌續焉知米甕殘朝來一鼓吹又缺半年餐
盡道居官樂終年沸管絃華筵添一笑篋庫少千錢禍
福誰能料功名總聽天不如閒富貴可當小神仙

戲作

世事無非戲何妨偶作謔先生實蘇產弟子盡川孩書
塾兼伶塾英才雜俊才小中堪見大此亦贊栽培

喜門生董睿昌試得案頭

謝却尚書錦江聘却來村塾振金聲乘閑小試春風手
高擢難居化雨名康海席前皆樂府馬融帳後盡門生

他年造就如無負定說真才自我成

喜侄朝杰歲試第一

驂駟汗血氣凌雲杜甫詩中得杜勤却喜小兒能破賊
自誇老子尚能軍芹宮早步人原異柳汁彈來爾應聞
衣鉢相傳何足詫吾家兩葉忝衡文

客勸求田答詩言志二首

不是田園絕不談吾家未至石無觚從來禍首皆出富
幾見焚身弗爲貧渤海無牛頑未化泰山有虎視方耽
况兼萬里身方賸落得餘資佐醉酣

非愛笙歌逐隊巡軍輪輻輳擾鄉鄰方思披髮峩山頂

肯復羈身紋水濱
書籍購多空萬卷
泥沙用罄已千緡
憑君寄語諸親串
我豈求田問舍人

醒園晚興

寂寞掩柴扉
村鴉帶夕暉
牛知望闌返
鴨自認門歸
况有棲遲樂
寧忘倚履幾
流螢諳引路
先我照前扉

兩邊山氣合一派
水光曛渡口人歸晚
溪頭犬吠雲荏苒
荏苒愁肘腋
機械起妖氛
安得鷹鷂逐
殲驅鳥雀羣
是日有需泥之警

曉起楊庵將至天池

推枕天初曉
出門星尚存
如人柳當路
似虎石眠村
宿

草明殘雪偏峯眩
早瞰楊庵將到眼
破落不成屯
秋泉鳴洞口
冷樹出山腰
曦見丁夫喜
寒從卯酒消
雁聲風裏遠
龍影水中搖
已喚涪江渡
天池路尚遙

天池

橫東一嶺小
厓屨不信平
山上有池忽
見虹橋天半跨
恍如鵲鏡月中
窺身疑博望
乘槎到心擬
君平賣卜知
聞道有龍行
水澤如何屢
見雨愆期

明經何士銳招飲黃酒樓醉題

總角同窓四十年
相逢須鬢各皤然
兒童氣象猶今在
父子交情較昔賢
月出皎兮人未散
瓶之罄矣我先眠

覺來尚有殘燈在醉筆詩成又欲顛

魏城驛

古來城郭半荒邱山水淒涼暮色愁
八百羽書萬驛遞
六旬老叟正衾裯孤燈人語誰家店野
寺鐘聲底處樓
睡起詩人無箇事淡烟喬木望綿州

童山詩集卷二十六

綿州李調元雨村

丙午

遊寶圖山

屹立三峯天半開
天橋何必說天台
歸來始脫風波險
怕看僧從鐵索來

匡山謁李太白祠

太白祠前草欲蕪
米顛碑蹟半模糊
平生亦有清平調
詩到匡山一字無

訪彰明舊同學明經郭幹

隱居深處白雲遙，畧約溪邊路一條。
偶向郭家問茅屋，正逢戴笠插秧苗。
青蛇上樹藤如活，白鶴盤松葉似搖。
尚記髫齡舊吟句，相看老醜不堪描。
韓席間誦余七歲
滴在梧桐上高低各自吟

祥符寺看蠟梅

蠟梅開處一城忙，盡向祥符踏曉霜。
疑是阿嬌愛金屋，知爲少婦喜流黃。
色如栗玉初含蕾，形似鐘鈴小着行。
不是山人常野服，此花合配道家裝。

十一月二十三日四子書香生

老病相兼得子徐，寧馨捧出賀充闕。
歸來萬卷樓方落

正要書香似續書

題竹西樓

竹西歌吹是揚州此地如何亦善謳
若問主人在何處終朝不下竹西樓

丁未

春初至金山驛家丞李百川源招遊富樂山

富樂古來名勝地招遊最喜得家丞
時無爭戰蔚坤大直上雲巒第五層

竹刺藤梢洞口迷攀崖亦復共留題
春酣亭下花如錦

却憶眉州唐子西

山半有冷源洞
多宋人題名

落鳳坡謁龍鳳祠

危坡下踞氣如虎鹿頭忠氣白虹吐出城風雨何縱橫
士元墓在羅江浦先生早爲德公器冠冕南州名始普
潁川夙有知人鑒曾叩洪鐘伐雷鼓二千里往桑下談
預知欲得賢君輔劉備豈是田舍翁童童車蓋真人主
伏龍鳳雛士無雙竝駕齊驅竟誰伍璋也焉能死先生
幸有不幸矢如雨莫以成敗論英雄只須中計西川取
其時杯酒真相負魚水君臣無此侮至今松栢夜哀號
同一定軍山下土二公竝祠誠有哉當年應喚雙忠府

遊杜少陵草堂

并序

丁未五月二十七日方君文奎招遊少陵草堂
僧蔡君雪村子西池李君靜齋余君雲溪官君
漁舟崔君潤蒼弟愛堂及余九人携樂部汎浣
花溪泝流而上登草堂謁少陵祠周覽亭堂爲
前司臬杜公玉林新葺軒窻明秀特勝昔時晚
方君置酒於平橋上長幼襍坐繁音迭作客有
吹笛者許太保蘇州人作桓伊三弄崔官二君
倚橋而歌聲可遏雲顧而樂之客謂余曰獨可
無詩乎余曰詩當擇地非其地不可作是其地
尤不可妄作作詩於草堂是其地矣然以少陵

之儼然如在而率爾吮毫獨不畏此老竊笑乎
然余與諸君薄負詩名卽焚此當楮以就正有
道抑亦今日之遊所不可少也諸君皆然余言
各作一首不拘格律雪村錦江老詩人今年七
十餘矣故推首唱次則余餘皆以次握管崔官
二君歌正酣不暇作作者七人須臾詩成編次
如左時有聶君崇基箕坐橋下獨不肯吟蓋從
余前論也諸君亦聽其意

久不見詩人相招謁詩祖拏舟浣花溪諸子候洲澣湖
流逐鷗飛驚此一聲櫓二客獨來遲衣裳翩翩楚楚

詩齋
別著

不覺檉林礙已至草堂處籠竹各干霄六月竟無暑清
吹和鳴琴無復計音譜平橋風微度幽徑花初吐脫帽
看青天猶漬夜來雨借問築亭誰其孫臬司補不必稽
苗裔安置固得所差勝王錄事惜賢慳不許官遊三十
年衣上半塵土借此滌凡襟更喜諸君伍詩成不敢出
謂我杜老觀蔡君老詞人坐吟氣如虎一笑謂吾輩竟
弄班門斧

久雨

今年秋較早霖雨竟如何暑氣深山少雷聲入夜多蛙
鳴如課讀鳩語似交阿最是關心事田中水沒禾

過趙國瑾山莊莊在馮家嘴山後君先人澹園先生
亮任鄰水廣文與先君交好故訪之

頗聞趙子有山莊今日來拚醉一觴近水垂楊沽酒店
遶山慈竹讀書堂前言戲耳無非偃吾道窮與豈畏匡
時近山郭家溝多盜官爲殲其巨魁故云五十年來彈指似傳家幸各有文章

醒園遣興二首

笑對青山曲未終倚樓閒看打魚翁歸來只在梨園坐
看破繁華總是空

生涯酷似李崆峒投老閒居杜鄩中習氣未除身尚健

自敲檀板課歌僮

觀音巖

何年一聲雷霹靂劃開瀕洞山崩裂風暝雨晦天忽明
普陀飛來一片石我時展祠值仲冬爇香大士隨羣童
醉眼迷離失歸路錯認長江作卧龍

丁未除夕示龍山弟

得歸茅屋已三年別歲今宵樂事全賭奕不嫌輸弟墅
好音何惜賜歌田見古史趙世家醒園住久鄰相饋醉墨書成
姥訝顛獨有好梅清興存深防爆竹在林邊

戊申

言集卷二十六
贈孝泉延祚寺海上人

海師癖性喜枯禪
遍植名花自沃泉
淨室無非梅作供
生涯盡是菊爲田
行拖錫杖雖依佛
偶着綸巾却似仙
知我夜來舛僻靜
法堂深處許吾眠

買燈破偷作詩自笑

栽花插柳趁新年
雇得肩輿往孝泉
一夜偷兒全拔去
枉爲人出買燈錢

元宵

花燈豈肯到園林
絕小紅樓試一登
近水喜聞下河調
居山只挂上年燈
雨來花上雨
三點月在松梢七八層

老大徒傷豪興短一杯到手已盡騰

懷州阻雨

霖霖十日阻懷州白浪如天打客舟天欲惱人人不惱
小詩題遍翟家樓

遂寧縣

六月炎天雨似油蓬溪山滑不勝愁曉來聽得行人語
一路棉花過遂州

嚴署州至醒園二首

樂極轉成悲蒼茫事未知小懲思大戒後覺悔前非水
落石方出波平舟尚危閑來心自檢咎亦欠仁慈

莫倚蕭何律須知原憲貧相逢胡太厄生受豈前因
銀鍊如山積隄防問水濱到頭風浪息方識釣臺人

漢州後營訪張雲谷

邦伸

親家西園四首

三年初握手百里話心期陶柳君栽矣張梨我試之長
鬚看客喜坦腹見翁遲無限目前事題來只皺眉
琉璃嵌作榻碧玉砌成池人比南軒靜園爲西蜀前羣
稱小隱士自號大名醫畢竟詩難及聲名與我媿

晝長無箇事相對只清談林下今添一園中徑又三將
書凭作枕讀畫屢開函飯罷眠方覺爭棋客正酣

荷雨垣衣合新晴庭草幽蜻蜓入書案蛺蝶出經樓花

瘡倩誰抑蕉心似我抽怪來君屋富數萬玉搔頭

盆內玉簪

甚茂

題劉將軍

仕偉

科頭松下照四首并序

仕偉梁山武進士乾隆十三年曾從威信公攻金川殺賊奪礮經岳公保奏由守備擢叅將致仕相見於成都年八十有三矣出照屬題爲書

四絕

昂藏古松下雙鑠哉此翁秋風昨夜起劍戟憶空同
曾從大將軍殺賊陰山下至今番地兒不敢來牧馬
偏裨皆侯王李廣獨未用每當陰雨天猶覺箭瘢痛

章山詩集

卷二十六

七

手著三千卷，曾藏十萬兵。忽隨赤松子，不聽鼓鼙聲。

八月十七日由醒園移居南村舊宅

南村原是祖居堂，何必平泉戀別庄。清福由來神所忌，濁醪尚喜婦能藏。展開萬卷樓初上，洒掃三楹桂正香。不是雲龍山不好，里仁爲美是吾鄉。

初入大安山

一重峯更一重峯，處處名山可託踪。豆在釜中何太急，粟于春內實難容。步兵尚遇蘇門嘯，叔朗還思輦洛終。若待向平婚嫁畢，枯筇應笑太龍鍾。

浮山

萬點尖峯列眼前浮來海外是何年似經風浪湧平地
吹起雲巒墮別天遠望洛妃輕若霧澹描姑射貌如烟
博羅仙境曾身到又見凌霄一朵懸

小壩關中秋

生涯強半客他州何處鄉風不可留地入大安雲滿袖
天開小壩月當頭賽祠戲散臺仍在打稻人忙市早收
村餅山梨聊過節一年難遇是中秋

藥壺洞

洞裏納乾坤壺中藏日月不見藥朱顏但見人白髮

山家棹

門前十字水問是山家榨橙栽一畝陰田穫千倉稼過
橋聚魚驚穿柳溪鳥罵日暮雨又來喚渡立河下

九龍山觀鐵鐘鐵爐二首

井序

鑄鐘鐵爐皆明崇正大學士邑人劉宇亮及兄
宇揚宇烈所鑄也至今北街石坊尚存書首輔
請纓四字卽十七年五十相之一人也

誰托當年九州鐵鑄成一錯悔無從滿天星寇何曾滅
李使山魃拜夜鐘

五十人中此其一當年昆弟亦何愚佛經真笑城頭挂

又見劉家鑄鐵爐

挂佛經楊
嗣昌事

娑羅樹行

娑羅樹在祥符寺兩株相傳三百年錯節經創虎眼活
鐵幹挈空龍爪拳我聞此木產西域惡禽不棲好鳥集
佛祖當年此涅槃胡僧一見攀條泣不知震旦來何時
永康元年根始移顯安寺中忽一樹隨發隨生人始奇
如何此地留華蓋竟有枝柯塞廟大鋪地猶流竺國雲
參天遠映扶桑靄得非安西狀進初正逢北海潮碑書
撐空似有鬼神護夜響常如風雨餘旁有四字大如斗
擘窠云出三丰手但見仙書不見人何如此樹終不朽
我有狂言向樹宣不願成佛不願仙但願我壽君一樣

五言古詩卷二十一
九
屢經雷火仍無恙

謁諸葛雙忠祠

武侯三世爲劉死陳壽私懷髡父譬如此雙忠猶曲筆
又將何罪問譙周

寒露

自怪年來作事差流光荏苒尚天涯樹經寒露都無葉
菊過重陽未有花稚子圍爐燒白果鄰翁提筥餉黃瓜
漫言古寺今牢落客在僧房勝在家

再登九龍山時西藏用兵

羔袖龍鍾又欲行蹇驢隨我上崢嶸只求俯仰心無忤

何怯高低路不平
畫戟森嚴秋月冷
羽書絡繹夜星明
聖恩敢戀山林樂
北闕明年誓請纓

妙相院贈張三

一灣流水小橋西
妙相禪林大字題
落葉盈堦僧不見
野花滿徑鳥爭啼
乾坤容我聊龜息
日月催人老馬蹄
獨有張三能御李
蹲鴟餉客味如雞

過寶圖山和尚廣亭

寶圖山色照江油
曾憶當年四月遊
山到窮時花引路
石將墜處樹橫溝
人愁鐵索橋將斷
僧說銀鈎字尚遒
舉有先君題詩伯能背誦莫怪藏經慵不上
年來脚力怯登樓

紅菊

菊本中央色其紅乃間之人因嫌淡泊天故染胭脂似
火全垂砌如燒半倒籬黃花雖欲謝向日總如葵

二李歌

并序

藩兄維弟皆綿竹人有文名藩中丙子第一維
中壬午第三皆作廣文與余少同試者年老俱
健相晤於大乘寺酒酣爲作二李歌李華亦綿
竹孝廉人稱小李

綿竹二李皆奇男少者豐頤大者髯髯交百戰皆第一
少雖脫解名猶三君年正壯我方稚步趨往往同風簷

鶴立雞羣慚鼎足
兩看落筆如春蠶
微官教授歸故里
劍外爭傳吾道南
別來倏忽三十載
夢或見之無由覘
我雖排雲叫閭闔
能言鸚鵡常遭箝
文彩繽紛非不美
羽毛剪落何毵毵
每懷二友吾所畏
始悔我傲而君謙
自知骨鯁不合俗
乞得骸骨歸閭闔
今秋忽動山水興
二義三峽恣幽探
匡山讀書近弔李
支機問卜遙尋嚴
相如爐邊笑憤鼻
杜甫瀼東歌長鑣
形骸放浪百不顧
所惜杯酒無同醅
昨日江邊逢小李
相驚鬢白田間談
自言富貴非吾願
惟有麴蘖平生耽
聞訊二李俱矍鑠
老學農圃常腰鎌
遙指村東樹深處
四圍翠竹其茅菴

我聞此言爲小駐大勝縱送紅塵銜豈不眷戀家園適
萬事愁攢心如簦室邇人遐思不見坐令險韻通宵拈

人情

人情翻覆幾時平滄海連年日變更漸覺頭顱催我老
空將肝膽向人傾昌黎命蹇遭磨蝎太白仙遊欲跨鯨
五嶽三山如歷遍烟宵倘有鶴來迎

道途

道途負戴誰能免飽煖其如肉食難未老皮膚憐馬齒
累人口腹尚豬肝風能醒酒來吹面目爲高眠漸過竿
世態一般多冷熱算來只有白加餐

贈馬孝廉

雜錄

馬子翩翩清且揚，幕天席地共銜觴。
魯聽書楊三更雨，已閱禪林十載霜。
洗盞勸嘗紅麴酒，圍爐重話白雲堂。
年來老病難禁醉，不到雞鳴睡不香。

祥符寺讀明胡濙詩碑因和其韻

并序

寺殿之東有明嘉靖九年王汝賓刻禮部尚書
胡濙成化四年訪張三丰詩碑云：交情久已念
離羣，獨向山中禮白雲。龍送雨來留客住，鹿啣
花至與僧分。踈星出竹昏時見，流水鳴渠靜夜
聞。却憶故人從此隱，題詩誰似鮑參軍。考明紀

永樂五年丁亥命戶科給事中胡濙携道士巡
遊天下訪張三丰去十年始還或曰爲踪跡建
文君也碑作成化四年及禮部尚書皆誤

胡公詩思實超羣望氣誰知爲紫雲不向吳都瞻日色
應從蜀地識星分大師去後神呵護道士來時鬼哭聞
永樂何人誤成化寫碑空笑張翥吾軍

衲子歌

三教院中逢衲子百結衣如桑椹紫不談孔孟不談仙
安知達祖東來指瓜皮帽子足不履問禪點頭而已矣
輦不如來酒却喜醉到月明呼不起此意只恐無人知

知者問諸水哉水

羅孝廉

大璋

邀余與海師飲三义店問有詩無作

此答之

三义茅店有詩無一幅元章水墨圖野渡人呼漁父艇
山橋客坐酒家爐時邀支遁同尋寺偶遇公榮亦共酌
八蜡餐完秋社散醉來我亦要人扶

食芋贈陳君章

栽樹多栽柳可作析薪具種蔬多種芋可作凶年備
岷山多蹲鴟陳家專其利十畝白沙乾萬葉青枝翠携鋤
斲待客撥火煨相饋氣作龍涎香色過牛乳膩我老齒

欲搖咀嚼慚牛飼惟有玉糝羹不觸諸牙恚書此以致
謝橫斜不成字

五色菊

菊色不能五皆由人爲之斲艾本非類並栽向東籬邪
正雖難容脉理或相宜刀剗艾之半削挿所貼枝束縛
使相交暗長復潛滋久而與之一遂不辨面皮飄洒玉
露中失其清瘦姿紫赤黃白花肥大如秋葵豈知非本
性猶彼素化緇陶潛過不採屈平辭不摘問誰使之然
陰長陽亦隨臨風生感喟此理可書帷交惡如鮑肆交
善如蘭芝君子慎所交母與小人比所以子墨子垂戒

泣染絲

輓劉一飛先生

惟我劉夫子當今第一流
大才屈庠序小隱見謀猷
幼荷栽培篤威寬夏楚收
勾餘山水竊名士陸潘倚萬里
扁舟共三年幕府留從茲
飛翰苑盡是出蒙求何意衰
歸里旋聞病不瘳東修何處
獻涕泗迸雙眸